

古今說部叢書

第八集

古今說部叢書

第八集

竹垞小志卷一

學使者阮元手訂

嘉興楊蟠編錄

竹垞朱先生錫鬯別業也。先生性好竹。徙宅十餘次。必擇有竹之地以居。康熙己酉。歸自山左。買宅於鄰。宅西有竹。因以竹垞自號。宛平孫侍郎退谷題扁。海陵曹次岳作圖。其楹帖云。會須上番看成竹。何處老翁來賦詩。先生集句。汪檢討舟次書。垞約五畝。有南北兩垞。周圍壘石爲牆。編枳爲籬。饒有幽趣。康熙丙子夏。結暴書亭於南垞。垞之中有鳥有魚。有羅浮之蝶。岸有槐柳。水有芙蓉。藝蘭於砌。種芋於陂。奇花異石。靡所不有。先生暇日。恒與朋舊觴詠於此。其諸景次第補綴。間有更易。今就先生初定十二景列爲一卷。並分附南北兩垞詩。俾後之游者有所攷焉。

竹垞

在梅里南荷花池之上。望之竹樹交蔭。蔚然深秀。

先生題竹垞壁詩。買斷竹垞將四載。園林新筍未經嘗。今來散帙時初夏。忽見抽梢喜欲狂。背市有人沽濁酒。南鄰許我借匡牀。江村穩臥眞堪樂。愁說

燕雲射獵場。

又送鄭培南還詩。長安似爾客最久。自別舊鄉今八年。五里亭邊傾薊酒。一帆風末挂吳船。承顏正好趨庭日。生計須謀負郭田。莫以故人歸未遂。卜居不與竹垞連。

又潞河遙送湯駟南還詩。竹垞三徑也蕭然。歸夢天涯又隔年。倘肯結鄰長水市。開門同對小池蓮。又送家司理昇之官義帽詩。新分明府綬。舊詠法曹詩。異地難爲別。頻年最見思。賢聲花縣起。歸計竹垞遲。縱使音書隔。山川夢見之。

又爲程可則題畫詩。年來新卜竹垞居。對此雲峯愧不如。忽憶君家珠海曲。木棉花下滿牀書。

又題張上舍劭竹林獨坐圖詩。十年不對鄉閭竹。垞北垞南思殺人。輸與君家行看子。一叢占斷小園春。

徐永宣秋日訪朱錫鬯先生詩。沈尤村僻絕塵寰。千个簷簷水一灣。學道

著書無個事。滿庭黃葉對秋山。

李良年懷錫鬯詩。結廬共有溪南約。羨爾閒窗對白雲。今日池邊看青竹。竹垞雖好不逢君。

李符竹垞對雨詩。西鄰煙舍晝開扉。不惜衝泥日再經。總是好春何厭雨。但逢雅集便宜亭。溪魚撥刺投竿得。山鳥緜蠻倚樹聽。載酒花時尋勝地。無如南踏兩峯青。

譚吉璫和鴛鴦湖櫂歌。竹垞聽說梅溪上。遶屋修篁萬个餘。何日結鄰棲傍舍。然糠同照夜深書。

沈季友題小長蘆圖詩。拋他杜曲韋曲。還我雲村水村。畫裏兩垞不遠。蘆中直到柴門。

郭徵竹垞詩。垞西南北竹縱橫。露卻東偏放月生。就裏樊籬分雅俗。半霄淨綠拓詩城。

先生歲除同兒子對雪懷鄉里作。調寄鞦韆毬詞。寒雀斂層檐。正萬里同雲。

儻暮。去年曾記梅花溪上。童孫喧笑。紛紛團就玉獅鹽虎。回首亂山如許。對孤燭。異鄉同住。遙憐千里老妻無恙。竹垞門掩。多應壓徧小園高樹。

又戲題竹垞壁。調寄風中柳詞。有竹千竿。寧使食時無肉。也不須更移珍木。北垞也竹。南垞也竹。護吾廬。幾叢寒玉。晚來月上。對影描他橫幅。賦新詞。

竹山竹屋。鄣箇一束。筍鞋三伏。竹夫人醉鄉同宿。自注竹山蔣捷詞名竹

屋高觀詞名也

又索次岳畫竹垞圖。調寄百字令。詞詳第四卷。

先生看竹圖記。寧都魏叔子與予定交江都時。歲在辛亥。明年。予將返秀水。錢唐戴蒼爲畫煙雨歸耕圖。叔子適至。題其卷。於是叔子亦返金精之山。蒼爲傳寫作看竹圖。俾予作記。予性癖好竹。甲申後。避兵田舍。凡十餘徙。必擇有竹之地以居。其後客遊大同。邊障苦寒。乃藝葦以代竹。旣而畱山東。見冶源修竹數百萬。狂喜不忍去。歸買宅長水上。曰竹垞。叔子過。予言金精之峯十有二。其一曰翠微。易堂在其上。梧桐桃李皆植。獨竹不生。種之自叔子始。

近乃連岡下上。無非竹者。蓋予兩人嗜好適同也。珍木之產。由兩葉至尋尺。歲久而林始成。又或萎於霜。或厄於閏。若夫竹苟護其本。則末乃直。上匪特有君子之守而已。其勃然興起。突怒無畏。類夫豪傑之士。拔泥塗而立加萬夫之上。叔子居易堂讀書且二十年。天下無知叔子者。一旦乘扁舟下吳越。海內論文者交推其能。若竹之解於籜而驟于夫煙霄也。文章之爲道。亦猶種竹然。務去其陳根。疏而壅之。其生也柯葉必異。然則叔子毋徒恃其已學者而已。

北垞 荷花池之北。醞舫之西。皆北垞也。

先生題畫竹詩。疎筠个个倚風輕。忽憶鄉園宿雨晴。三畝宅西桐樹北。此時新筍又應生。

又題王叔楚墨竹。爲家上舍載震賦詩。畫家畫竹專用墨。李波文同已難得。後來能事吳仲圭。橫斜曲直無端倪。誰爲此圖王叔楚。意匠豈必全師古。竹之大者一尺強。其餘瑣細抽風篁。山泉泠泠走石罅。可惜無人坐銷夏。潛江

主人購得之。索我點筆題新詩。吾家長水一茅屋。北垞南垞都是竹。每憶園林燒筍時。不戀樹雞及榆肉。海陵曹岳爲我畫作圖。藥爐茗椀書籤厨。年來松菊成榛蕪。對此臨風一惆悵。歸與歸與范蠡湖。

朱琪壽芋陂六十詩。垞北藏書屋。騷人初度逢。客來皆舊雨。門對獨長松。野岸春容近。糟牀臘酒濃。采衣看盡好。萬里憶頭龍。自注長君自天時

客嶺表

朱稻孫送楚光表叔入都詩。把酒忽言別。空歌起北垞。客行千里月。春盡一園花。芳草王孫路。平臺帝子家。舊游能記憶。賦雪久爭誇。

南垞 荷花池之南有暴書亭。青桂巖。菱池。芋陂。桐階。同心蘭砌。菊塍。諸景。

先生春日南垞雜詩。入春風雨太連綿。著屐扶筇越陌阡。鄉里兒童莫嘲笑。已過七十杖朝年。自注七十杖於朝本祭義睡起三商未覺遲。春衣典盡漫嗟咨。諸公滾滾黃河岸。正值桃花水上時。

十年手種池南樹。今歲纔分花白紅。尙有舊游三叟在。不知更醉幾春風。自

注謂繆泳鄭珣錢枋

舍外青鳩解喚晴。籬根玉版漸抽萌。無兒可遣修雞棚。客至生憎臘脯鳴。
社公小雨不粘沙。瞥見迎風燕子斜。料是東家巢已定。但來花底啄芹芽。
移種盆松六尺強。欲當車蓋蔽斜陽。不知黛色成陰日。此地何人結草堂。

按竹垞向唯驅舫西偏一帶有竹。已而拓地於池南。亦移竹種之。所云
垞南宜得翠筠看。上番移來近百竿也。最後築暴書亭其中。而南垞始
擅其勝。池上編籬詩云。試添隔岸香茅屋。眼見南垞勝北垞。是也。今則
北垞僅存老竹數竿。南垞則惟茭池一勺。枯柳數株而已。

又暴書亭偶然作。垞南宜得翠筠看。上番移來近百竿。昨夜疾風吹拔木。老
夫差喜竹平安。

又高斯億爲予畫竹。以三絕句報之。錄一首。舊種南垞竹。圖中勝百分。歸裝
無長物。得此卽封君。

又南垞晚步詩。荷風剛罷浴。蘭畹已新涼。高樹下歸鳥。小窗明夕陽。蛇牀秋

草徧魚尾暮霞長。老圃論生計。纔收一稜薑。

又舍南池上從秋錦十九兄乞垂柳栽詩。開門南垞南。菱池平且廣。爲乞垂柳栽。春風步池上。十畝桑者側。五株桃樹前。他時君過我。五月坐聞蟬。翼翔麟過朱檢討竹垞話舊詩。小長蘆釣師。平生所皈仰。結契四十年。久要非比鄰。每欲從之遊。讀書證疑罔。舟颿不易戒。有約屢成謊。今日願始諧。出門庶不柱。步履入南垞。竹梧欣舊賞。一笑攬襟袪。連宵話疇曩。可恨榜人催。於心終怏怏。

沈岸登題小長蘆圖詩。新蓋暴書亭子。垞南正有閒田。我意別裁東絹戲。拖墨竹便娟。

李良年題瀾橋詩思圖小照。爲竹垞賦。曾向東華聽曉雞。幾回懊惱雪成泥。還山卻愛連山白。夢得垞南萬竹低。

朱昆田小園散步詩。閒拖竹杖到南垞。雨後新涼透薄紗。莫怪小園秋太澹。牽牛新引一籬花。

吳銘道沈寅中箋竹垞先生詩集垂成詩。隔浦南垞望北垞。網羅遺墨待侯芭。書成亟欲煩青竹。博物全勝三十車。

醺舫 舫三楹。在潛采堂之西南隅。金陵鄭谷口簾書額。梧竹環之。庭陰空翠。

與插架丹黃相映。先生晚年招弟子王布衣法。沈秀才翼。朱上舍琪。同次孫稻孫讀書其中。

先生懷鄉口號詩。醺舫西偏盡竹梧。紫微山石儘數鋪。兒童鄉里堪娛日。不

用千金買佛奴。自注醺舫余齋名

又醺舫卽事詩。破窗風雨濕書籤。睡起明星忽在簷。最喜蛛絲梢竹尾。牽牛花翠曉來添。

查慎行醺舫銷夏分賦涼篷聯句詩。半鋪一面席。高出四邊牆。行雨似撐

船聽風疑露頂涼。魏坤片陰停卓午。仄景入斜陽。朱霽忽憶臨溪宅。松毛透

屋香。慎行

郭徵題醺舫詩。醺舫窗篷覆竹梧。八分鄭畫老來蠶。沾唇我鮮三升量。也

挈吟瓢混酒徒。

朱琪醺舫看竹詩。垞北垞南竹滿林。短牆繞屋見清陰。昔年夏日消閒地。

猶記親書醺舫箴。

自注先生嘗手書醺舫箴以贈

齋名舊日曾題句。梧竹西偏人共知。

今歲上番看漸少。秋風應種小春時。

又重集醺舫看桂詩。舊日藏書屋。花開拓八牕。主人留客坐。夜夜倒秋缸。

香滿交枝樹。思橫萬頃江。頻過知不厭。詎忍滯歸艖。

又九日同元仲過醺舫詩。寥落重陽日。相逢且笑歌。縱虛籬下酌。仍許草

堂過。逸興朋遊少。閒愁節物多。東溪還往約。歲月恐蹉跎。

又讀暴書亭集感懷詩。醺舫桐陰依舊清。年時載酒幾門生。秋風忽憶池

南路。忍說羊曇醉後情。

王汝九日集醺舫桂樹下。分賦得緩字詩。九日思尋山。花下得所歎。素心

既已偕。旨酒殺辭滿。不聞街鼓催。欲行且復緩。

朱稻孫醺舫納涼詩。斜日穿修竹。疎桐覆短牆。涼風三面至。一枕黑甜鄉。

又醺舫卽事詩。節未逢寒食。傷心已禁煙。欲臨求米帖。久讀絕交篇。樹有新禽集。牀無故客眠。淒涼桐竹下。卽景淚潸然。

楊爲裘和王上陶。浹夏日同諸子集醺舫。分賦得此字詩。醺舫近北垞。吾黨昔所企。茲焉復經過。開徑桐陰裏。此地洵足娛。卽事亦可喜。酒闌暑亦忘。吟成興未已。晚色淨陂塘。涼風過沙沚。竹翁已千秋。題襟噓續此。

朱翰宣醺舫桐花詩。爲愛茲花特地來。樹頭風急雨頻催。明朝再過池南路。只恐殘香掩碧苔。

先生攜李詩繫序。比來索居長水。編輯有明一代詩。陸子聚纔過醺舫。貽示南疑沈君。攜李詩繫。其於逸民寓公。方外閨秀。蒐羅甚備。余頗得什一之助。鄭元慶石柱記箋釋自序。頃借書輻舫。得宋槧石柱記載山川陵墓。亾者三之一。其存而不可信者亦三之一。吾湖浙西佳郡。何不幸而使數百年文獻無徵。至於此極耶。竹垞先生。惜其殘闕。爲補記二縣。余乃一牋釋。甫脫橐。先生見之。賞擊命鈔副本藏暴書亭。

張大受六峯閣詩臺序。稼翁少孤。日侍先生於軀舫。聽說經史。出入必負杖。從得秘本。必令稼翁校勘繕錄。耳目濡染甚深。

先生軀舫箴。吾齋之中。有客萃止。能飲飲之。不能者已。奕屏楸坪。博捐盧雉。豈無樂方。令以經史。賓有端言。主無苛禮。罔稱人惡。罔諛人善。第話桑麻。勿論朝市。勿湏勿沈。曷哉君子。

桐階 在南垞暴書亭之前。與蘭砌相並。桐只兩株。先生題侯開國鳳阿山房

圖詩云。吾家亦有三畝宅。千个篔簹兩樹桐。是也。

先生夏日雜興詩。桐陰細細白花攢。吾愛吾廬暑亦寒。縱少圍碁消永日。也應騎馬勝麗官。

郭徵桐階詩。百尺琅枝架屋陰。放懷歸作舊巢吟。桐花小鳳調紅嘴。啄遍香苞撲滿襟。

朱稻孫徐懷仁桐化聯句詩。庭中孤生桐。稻朱夏華始吐。午風發細香。懷

仁南拓檐瓦逗輕雨。壺蠶猶排衙。稻孫斯螽剛動股。參差墮游絲。懷仁南翩翻來翠

羽鬱鬱柯相交。

稻

離離實待數。

懷

向榮勝高岡。

仁

接葉冒下土。

稻

愛茲明月皎。

稻重以零露漙。

仁

攢攢試雞心。

懷

瑣瑣垂馬乳。

仁

又竿罷采采。

稻

孫狼籍誰拾取。

大火俄西流。

仁

秋聲破炎暑。

孫

同心蘭砌。

在南

在坵暴書亭之前。

先是盆中蕙草作同心花。

先生愛之。

乃移種

於砌下。

歲丁丑。

又開並蒂。

戊寅六月。

又開同心並蒂。二花清芬馥郁。逾於

九畹。

以先生父子著書其間。

宜瑞應之。疊見也。

郭徵同心蘭砌詩。

駢枝合朵錦心并。

萬萬蘭中見此莖。

這是仙苗無覓處。

謝家庭砌偶然生。

朱昆田戊寅六月。

盆蘭忽放同心並蒂二花。

各賦一律。

索同人和詩。

一雙

玉女鬪嬋娟。

素質亭亭看比肩。

蝴蝶作團停葉底。

蜻蜓相戴立風前。

宵幃

共結鴛鴦帶。

曉鏡齊拈翡翠鈿。

好與吳孃新鬢樣。

不須依舊學秋蟬。

右同

弱幹同心已足誇。

又看並蒂發瓊葩。

水妃共踏承雲轡。

宮女爭勻襯臉

霞。丹竈紅休憐一線。

珠江碧漫詫雙丫。

自注

閩之竈山產一線紅有

花對節粵之丫蘭一莖上兩

花皆貴種也惟應插上麻姑髻絕勝仙家綠玉花右並蒂

又余咏蘭二律同人和者甚衆聚緱謂與奇花寫照以不用仙姝美女草

木禽獸蟲豸科比者爲高因再各賦一律詩蘭譜曾誇大小張分來好種

自金漳八花尾簇玲瓏玉雙素英飛旖旎香曉露引風珠並綴午風送蝶

夢俱長狂思折贈傾城客挂在珊瑚却月梁右同笑他花史說吳潘似

比駢頭畫亦難雨後並開香細細月中同立影嫋嫋爲雲只恐雙飛去倚

柱還容盡日看若使一年抽一箭也應喚作我家蘭目注朱僉判家所種閩人至今呼爲

朱蘭右並蒂

又三咏同心蘭詩莫是蘭芝與蕙芳羨他交頸學鴛鴦黃輕似翦同功繭

紫淺疑熏百結香吟處傷心追楚客分來纖手想閩娘神光離合魂俱斷

玉體橫陳夜未央並蒂蘭詩國香兩兩試精神似欲雙棲共一身互借

好丰姿綽約交憐眞骨象停勻凌風冉冉扶紅索按舞翩翩踏翠茵待覓

畫師來寫照障中長作比肩人

陸奎勳和潘紫施黃態未殊。漳蘭新樣茁紗縠。成八瓣花明玉吸上。雙
心露迸珠。添種留夷情便減。微吟梔子韻還輸。膽瓶折供清無匹。只放滕
王蛺蝶俱。右同雙頭菡萏乍填詞。並蒂蘭抽又索詩。露滴小毫添書譜。
根移纖手勝花師。魂消別浦迴眸處。夢破寒衾擁背時。趁取蠶缸開未足。

好分一箭寄相思。右並

戴公瑚和梔子誰誇花入出。同心似爾我關情。只言澤畔孤根託。卻訝枝
頭嫩蕊并。看去芳顏如碧玉。猜來小字是雙成。品題別作幽蘭曲。譜入相
思弦裏聲。右同素葩開處不尋常。一對偏宜喚女郎。梳得雙丫雲作髻。
勝他六幅錦爲裳。吳山未羨岐牛好。丹竈須憐並蒂芳。花譜寒梅秋菊外。

應添香草亦鴛鴦。右並

戴鏌和傳來好種自潘家。葉底翻新發異葩。露滴雙心香暗結。雲裁一朵
碧交加。合歡扇掩魂應斷。同夢人憐夜正賒。不羨唐昌觀中樹。簾前真見

八仙花。自注玉蕊一名
八仙花右同心